

中日戰大史

冊下集一卷

著編開張
行發總社出版

中日大戰史

中 日 大 戰 史

第一集（下冊）
張開編著

中日大戰史（第一集下冊）

定價國幣

編著者 張開

發行者 重慶出版社

社址：重慶南岸大佛段二十一號

印刷者 新新印刷公司

地址：重慶南岸大佛段一三九號

經售者 各大書店

中華民國三十四年十一月十二日出版

中日大戰史

第一集下冊回目

- 第二十一回 志士死如歸勁節可式 奸邪殺無赦義舉堪風
- 第二十二回 矢忠誠劉湘部曲通電 敦睦誼蘇聯新使頌詞
- 第二十三回 各別援華全球爭抵貨 遷行併與歐局起狂濤
- 第二十四回 底定江淮功成新戰略 聚殲晉豫謀定出奇兵
- 第二十五回 臨沂城穩定魯南戰局 台兜莊殲敵精銳師團
- 第二十六回 舉國歡騰艱辛矢奮鬥 全師撤退懋績破重圍
- 第二十七回 抗建綱領立國策根本 參政會議樹民治初基
- 第二十八回 為國儲才難童獲保育 以身作則慈母洵劬勞
- 第二十九回 武漢高空留光榮戰績 臺灣北部燬敵寇機場

- 第三十回 人道遠征三島駭紙彈 野蠻轟炸舉世斥元兇
- 第三十一回 如火燎原高潮掀反戰 同流歸宗革命結聯盟
- 第三十二回 天怒人怨巨災降敵國 仁至義盡俘虜訴衷腸
- 第三十三回 級敵來歸偽軍紛反正 聞風興起全國樂輸財
- 第三十四回 張鼓峯爭鋒詞窮力盡 中航機慘案雨苦風淒
- 第三十五回 割據若同謀難違戰禍 矛盾益加劇深陷泥潭
- 第三十六回 隘海東段寇鋒厄黃水 南潯左翼國慶奏奇功
- 第三十七回 誤中詭謀廣州告不守 達成任務武漢撤戎防
- 第三十八回 和議盛謠傳奸佞跡露 深仇誓必報義勇功彰
- 第三十九回 絶食懸旗孤軍爭國格 空門悔禍元惡棄屠刀
- 第四十回 侵略斤徒勞崩亡立待 長期戰必勝計算無差

第二十一回 志士死如歸勁節可式 奸邪殺無赦義舉堪風

日本在我各戰區扶植傀儡政權，其政略陰謀，在企圖分化我政府與民衆情感，戰略陰謀在藉此透過傀儡之手，獲得給養，達到所謂「以戰養戰」，滅亡我國之目的。是為日本「以華滅華」之一貫毒辣手段。愚昧無知之輩，固有甚多爲利誘威脅所屈服，認賊作父，甘爲虎伥而執迷不悟者。但忠貞亮節之士，輒多視死如歸，始終認爲餓死事小，失節事大，與日寇誓不兩立。山西陽曲縣耆紳曾紀綱，字子常，前清舉人，歷充參議員，議員，保晉礦務公司協理等職，太原淪陷後，日方迫曾充當山西省政府副主席，曾以大義拒絕之，日方旋復大張宴席，折東召曾至飲，威脅利誘，無微不至，曾始終不屈，歸家後即服毒自盡。忻縣耆紳陳敬棠，字子莊，歷充參議員，議員，山西村政處處長等職，忻縣淪陷後，日方迫陳充忻縣僞縣長，陳堅拒之，日方脅迫有加，陳義憤填膺，與夫人雙雙吞金自盡。山東局勢緊張後，除至聖奉祀官孔德成，偕祕書李炳南、孔令濬等先期由曲阜乘車抵漢，孔夫人孫林君女士，亦以分娩在即之身隨同離魯外；至聖奉祀官孟慶堂，因於鄒縣淪陷時未及退出，至爲日方所覬覦，日方企圖利用孟氏，又知孟爲亞聖奉祀官，日曾乃親往登門請謁，孟閉門不納，日曾嗾使當地傀儡士紳前往說項，孟

表示甯殉節，決不受辱，不與日方週旋。日曾卒以畏其氣盛，未敢相強。蘇州耆紳張一麌，字仲仁，抗戰初起時，創議組織「老子軍」，請纓殺敵，經蔣委員長勸阻始罷。日軍陷蘇州後，對張氏即企圖強迫，張避之若浼，匿居鄉間寺院甚久，日方繼強迫張弟一鵬，亦遭一鵬拒絕。實業界鉅子榮宗敬，在上海迭遭日偽威脅利誘，騷擾不堪，榮氏力抗偽命，遁跡至香港，終因受刺激過度而病死。國民政府特明令褒揚，以昭激勸。日軍在吳興曾綁架湖州公報社社長張紹泉之子稚寶，脅迫張出任湖州偽地方維持會會長，張嚴拒曰：「甯殺我子，決不辱國。」安徽定遠革命先輩方紹舟，時年已七十一歲，因憤日閥侵凌，親率武裝民衆二千餘人，游擊於皖北一帶，日軍侵入定遠時，方氏尚有媳婦弟姊及孫女三人留住家中，日兵闖入方家，竟圖非禮，三女奪門而出，投入河中自盡，事聞於方，方捋鬚笑曰：「我家有此壯舉，雖死亦瞑目矣。」率領武裝民衆，游擊益烈。北平偽組織僭立前，日方企圖誘致曹錕、吳佩孚，並擬冠曹爲大總統，吳爲副總統，日曾影木少佐，甚至拜吳爲「乾爺」，曹吳皆始終堅拒，未爲所動。至二十七年五月十六日，曹錕病歿於天津，國民政府以曹息影津沽，雖經日偽威脅利誘，皆凜然峻拒，且曹於疾篤彌留之時，猶惓惓以抗戰勝利爲念，忠誠純篤，志節昭然，特追贈曹爲陸軍一級上將，並先頒贈「華胄忠良」四字匾額，俟寇氛稍靖，另議飾終令典，凡曹氏舊日僚

屬，能繼志勵操，矢忠報國者，均一律嘉獎優遇。吳氏則歿於第二期抗戰時，詳後不贅。同年五月上旬，日軍於佔領巢縣夏閣鎮時，曾強令巢縣縉紳丁曉樵，徵集民夫五百名，修築公路，並索青年婦女四十名，鷄蛋五萬枚，令曰：「限三日辦妥，否則槍決。」子素有氣節，乃於八日自縊成仁。山東平原縣縣長馬士宏，二十六年七月間率衆抗戰，以衆寡懸殊，致被日軍俘獲，日方迫令投降，馬誓不受辱，擬撞柱自殺，首甫觸柱，即血流滿身，其隨從姜某，亦奮勇拔佩刀自刎，馬因被漢奸挾持，未克即殉，旋被押解至德縣，途中，馬大罵漢奸爲民族千古罪人，聲淚俱下，觀者莫不爲之墮淚，既抵德縣，日方令津浦沿線偽縣長十餘人，會同觀審，馬侃侃而談，面斥諸奸叛國無恥，唯求速死，諸傀儡縣長面面相覩，不忍遽下毒手，日酋亦爲折服，日方圖軟化馬氏，當庭責令諸逆優予待遇，馬卒不服，絕食殉難。王逆克敏之女王遵伺，因反對王爲傀儡，二十七年八月，離平到港，遵伺曾肄業燕大，王逆前任職北平整委會時，與日方早有往來，遵伺母女曾苦勸王勿從逆無效，其母卽鬱鬱而死，王出任傀儡時，遵伺跪哭苦諫，王卒不聽，時遵伺因轉瞬畢業，遂爲忍耐，二十七年夏，遵伺畢業燕大，遂毅然脫離漢奸家庭，隻身逃港，做工度日，並表示誓以整個身心，貢獻於國家民族。可見漢奸雖親如子女，亦必恥不與伍，遵伺不過爲其一例。其有憂國而歿者，二十六年十二月一日，班禪額爾

德大師，圓寂於玉樹提布倉行轅，班禪生於光緒九年，國民政府奠都南京時，班禪即設駐京辦事處，表示虔心擁護，二十一年，國府特任班禪爲西陲宣化使，二十二年秋，班禪入京，翌年，任爲國府委員，二十四年五月，啣命赴青海宣化，翌年，達賴逝世，即擬入藏主政，卒因抗戰軍興，淹滯旅途，心憂國難而死。班禪圓寂時立有遺囑，由古教堪布二人侍側簽字，其遺囑略曰：

余生平所發宏願，爲擁護中央，宣揚佛化，促成五族團結，共保國運隆昌，近五十年來，遍遊內地，渥蒙中央優遇，得見中央確對佛教尊崇，對藏族平等，余心滋慰，余念益堅，望吾藏官民僧俗，本中央五族建國精神，努力中藏和好，孔薩喇嘛及各堪布，尤宜善繼余志，以促實現。此囑。

十二月二十一日，國民政府特追贈班禪爲護國宣化廣慧圓覺大師封號，發給治喪費一萬元，並特派考試院戴院長傅賢，赴康定致祭，在重慶舉行追薦。是月二十五日，曾任唐紹儀內閣財政總長，民國二年九月奉命組閣之熊希齡氏，在香港病逝。熊自民國三年解職後，即脫離實際政治生涯，致力慈善事業，創設香山幼慈院，國府奠都南京後，特聘熊爲賑務委員會委員，民國二十一年任國難會議議員。抗戰軍興後，熊在上海創設傷兵醫院，及努力救濟難民，南京淪陷後，日方對熊亦企圖脅誘，熊乃偕夫人毛彥文女

士離滬赴港，患腦充血不治，國府亦優予飾終。實則爲漢奸者不死於日方，亦必死於義士之手。山東兗州淪陷時，日方嘗委褚玉璞駐津時曾任天津道尹之吳廷玉爲兗州維持會會長，日方每日向吳強索青年婦女一百名，且須日日掉換，數日後，吳無法以應，日兵夜間乘吳不備，即將吳之眷屬輪流姦淫，吳滿懷羞憤之下，遂自縊。漢奸程國瑞，爲日方編制僞自治軍，擔任進犯山東嚮導甚力，結果，日方懼程勢力擴大，即藉故將程槍決。二十七年三月七日，漢奸周鳳歧在上海被刺身死，周原任二十軍軍長，二十六年十月間，受日方唆使，以「浙人保浙」口號，謀招納諸暨、嵊縣、新昌等處地痞爲爪牙，鼓勵舊時失意軍人，互相呼應，陰謀反動。彼時浙江省軍政當局，早有所知，乃密爲防備，諸贊民衆並由蔣鼎文將軍派員返鄉，指導組織，周因無隙可乘，遂未敢蠢動。其後，上海戰局突變，周又死灰復燃，積極活動，曾多次利誘威脅杭州商會會長金潤泉，要其從逆，金不甘與周同污，嚴加拒絕，周圖不利於金，金乃祕密離杭，脫周包圍，周旋與杭州地痞王某勾結，並串同某慈善機關主要人物，到處散播「浙人保浙」空氣。是年末，浙東即盛傳「周鳳歧出山，浙境可保」之說，至二十七年一月初，日軍攻陷富陽，周復集合浙東黨徒，在城中集議一次，但無結果而散，周旋至吳興、長興一帶，率僞軍爲日軍作倅，其實，周對日方雖備獻殷勤，日方對周，實並無好感，周曾自請據守杭州，

欲過浙江省長之癮，即爲日方所阻，迨日方謀在南京成立所謂華中僞組織，周即去滬活動得僞陸軍部長，同年三月七日下午一時四十五分，周由法租界亞爾培路八十號寓所外出，甫擬跨登汽車，即有預伏該處路旁若干人，突出將周包圍，其中二人，立卽向周開槍十三發，周應聲倒地，汽車夫亦受重傷，行刺者見目的已達，即攜槍從容而去，周屍體由家屬收殮時，檢視全身共有槍洞八個。事先，周知漢奸決不容於社會，故嘗化名劉某，然結果終難免被刺。自周死後，上海其他漢奸聞訊，面面相覷，消聲匿跡者爲時頗久。同月二十八日，華中僞組織，在南京舉行其所謂成立典禮，由沈逆能毅一手承辦，當時發表傀儡名單，計僞行政院長兼交通部長梁逆鴻志，僞法制院長溫逆宗堯，僞內政部長陳逆羣，僞外交部長陳逆籌，僞財政部長陳逆錦濤，僞實業部長王逆子惠，僞教育部長陳逆則民，僞綏靖部長先不設部長，次長爲任逆援道，其他各僞部次長，內次爲夏逆奇峯，財次爲嚴逆家熾，交次爲胡逆初泰，實次爲沈逆能毅，教次爲顧逆浩然。日寇無聊，漢奸無恥，我八代古都南京蒙此污辱，是日白晝無陽光，晚間聞鬼哭，各傀儡在滬赴京途中，火車出軌，受傷多人。時上海已有所謂大道市政府之僭立，當日魑魅魍魎，一羣無恥大小漢奸，竟在鬼影幢幢之新亞酒樓，懸掛僞旗，覲覲吊賀。上海大美晚報，則於同日接得一要求公開之來函，函中痛斥「華中政府」諸醜之罪惡無恥，稱決予

一一刺殺，而未具名爲「江浙土匪五十人自新抗日團全體團員，團長龍俠起。」同年六月十日，受日方慾惡組織僞上海市民聯合會之負責人尤逆菊蓀，在橫濱正金銀行門首，爲人槍擊命中，其俄籍保鏢兩人亦受傷。僞上海土地局局長任逆保安，同日在同興樓遇刺。上海米業公會主席委員顧馨一，受日方嗾使組織僞上海市民協會，並曾齎糧資敵，同月二十四日，在法租界金神父路被青年三人，以槍擊斃。二十九日晨，充任僞大道市政局交通局船舶檢查處處長陳逆德明，乘自備人力車行抵廣治卿路廈門路時，突由道旁躡出二人，向陳開槍，陳頭部中彈，立即倒地斃命。浙江鎮海人傅筱庵，因附逆，其原籍家屬，呈請地方當局沒收其在浙全部財產。八月二十二日，僞蘇浙皖三省鹽務署署長劉逆謙安，及其姪宏福，同乘自備汽車行至靜安寺路成都路義大利使館前，即有人向兩逆連續開槍射擊，劉謙安頭部中一彈，劉宏福胸部中一彈，皆不治而死，劉逆宏福，時任僞鹽務署總務主任。漢奸傀儡，狐假虎威，以爲有恃無恐，不知國家法律，一時縱未能相繩，終亦難逃志士義民之憤擊。

第二十二回 矢忠誠劉湘部曲通電 敦睦誼蘇聯新使頌詞

國民政府自遷都重慶後，建新址於大溪溝，築有洋房兩幢，極爲壯麗美觀，並具蓬

勃氣象。二十六年十二月二日，國府與各部院會正式開始辦公。至二十七年元旦，國府下令改組行政院，選任孔祥熙爲行政院院長，張羣任副院長，特任陳立夫爲教育部長，張嘉璈爲交通部長，翁文灝爲經濟部長，海軍部暫行裁撤，其經管事務，歸海軍總司令部辦理，實業部改爲經濟部，建設委員會及全國經濟委員會之水利部份，軍事委員會之第三部，第四部，均併入經濟部。鐵道部及全國經濟委員會之公路部份均併入交通部，衛生署改隸內政部，全國經濟委員會之衛生部份，併入衛生署，各反省院裁撤，受反省處分者一律准予取保釋放。至此，行政院之組織爲內政、外交、軍政、財政、經濟、教育、交通等七部，及蒙藏委員會、僑務委員會兩個委員會，抗戰政治機構，經此調整，益形加強。同月二十日，川康綏靖主任兼四川省政府主席劉湘，歿於漢口，劉氏久主川政，抗戰軍興後，四川更成爲後方唯一重鎮，劉氏被任命爲第七戰區司令長官。當二十六年八月七日，劉氏奉召由成都乘機飛抵南京，謁見蔣委員長報告川政時，劉氏直轄部隊六十團，已整編爲三軍，兩獨立師，七獨立旅，計第二十一軍軍長唐式遵，轄三師，副軍長范紹增兼第一百四十六師師長，第二十三軍軍長潘文華，轄三師，第四十四軍軍長王續緒，轄三師，兩獨立師長爲許紹棠、郭勉祺，七獨立旅長爲鄧國璋、范南軒、田鍾毅、周紹軒、楊亮基、劉樹成、劉若弼。川康兩省並劃分八綏靖區，由軍事委員會

派鄧錫侯、孫震、劉文輝、李家鈺、潘文華、唐式遵、王纘緒、李蘊衍等分任各區司令長官。劉氏由京返川後，川軍即奉命開拔出川，最初由貴州開出者，即參加上海戰役，是爲楊森將軍部，楊部出川時，有三萬餘人，經此一役，退守安慶時，所部僅餘五千餘人，想見其犧牲之壯烈。其後鄧錫侯部奉命北開，入晉應戰，亦多有樹績。同年十月二十五日，第二十一軍軍長唐式遵，率五師之衆，奉命北上。劉氏以大軍出發，乃於十一月八日，抱疾離渝東下，親自主持軍機。同月十二日，劉氏抵京，晉謁蔣委員長秉承抗戰大計，川軍在各戰線功績卓著，與民衆情感尤爲融洽，故深得各方好評。惟劉氏則以操勞過度，即感不適。十一月二十九日，劉氏以病勢日見增重，遂徇各方勸導，搭輪至漢口，入黃坡路萬國醫院療養，該院德醫阿希柏爾及斯汀生等，悉心治療，至十二月下旬，病勢略見轉機，惟劉氏以關心國事，雖在病中，仍時刻以抗戰前途爲念，親自起草重整軍備計劃數萬言，呈請當局採納，又以四川已成民族復興根據地，建設事業，刻不容緩，特電召四川建設廳長至漢，指示川省建設工作綱領，如此半月，卒以辛勞過度，且會客太多，至二十七年一月十四日，遂至嘔血。十六日，德醫阿希柏爾爲劉氏開始輸血，當日輸血六十西西，十九日，復輸血五百西西，但劉氏心臟，仍極衰弱。二十日，阿希柏爾決定爲劉氏再度輸血一千西西，至下午五時，劉氏一度暈厥，脈搏停止，阿

希柏爾遂感棘手。延至晚間八時，劉氏遂長逝於萬國醫院。當劉氏病勢垂危時，在漢各要人如孔院長，何部長等均親到醫院探視。川康綏靖公署參謀長傅真吾，軍長潘文華等均親自在院照料，迨噩耗傳出，各方均哀悼不已。蔣委員長特派陳光組前往吊唁，各方吊唁者不絕。軍事委員會依照陸軍喪禮條例，組織治喪委員會，何應欽爲該會主任委員，白崇禧、徐永昌等爲委員。二十一日晨，劉氏遺體在萬國醫院小殮後，移靈漢中街第六小學，于院長、教次張道藩等均前往致悼。劉氏夫人周書女士，是日午由成都乘歐亞機蒞漢奔喪。林主席，中央黨部等，均致電慰唁。四川省政府開會決議，一面電呈林主席蔣委員長迅簡賢能，主持川政，一面通令全省下半旗，停止娛樂三日誌哀。川康綏請主任公署、四川省政府、四川省黨部等分別舉行哀悼儀式。劉氏字甫澄，四川大邑人，四川陸軍速成學校畢業，歷任國民革命軍第二十一軍軍長，軍事委員會委員等職，遺一子，名世哲，十三歲，一女名世英，十歲，時俱在渝就學。劉氏彌留時，神志甚清，立有遺囑，由左右筆錄，無一語及私。其遺囑原文曰：

余此次奉命出師抗日，志在躬赴前敵，爲民族爭生存，爲四川爭光榮，以盡軍人之天職，不意宿病，未盡所願，今後惟希我全國軍民，在中央政府暨最高領袖蔣委員長領導之下，繼續抗戰到底，尤望我川中袍澤，一本此志，始終不渝，即敵

軍一日不退出國境，川軍則一日誓不還鄉，以爭取抗戰最後之勝利，以求達到中華民族獨立自由之目的。此囑。

二十二日，劉氏部曲留川將領，聯名電呈 蔣委員長，表示決在中樞領導之下，繼續抗戰到底。其原電曰：

急，委員長 蔣鈞鑒：接讀X電，驚悉劉主任甫公不幸病歿漢皋，噩耗傳來，同聲悲悼，復蒙中央體念勛勞，優加典卹，全川部曲，感奮彌殷。伏念鈞座命將出師，征討倭寇以還，主任卽一本擁護中央抗戰到底之精誠，追隨鈞座，效命國家，每憶臨別訓示之言，督陣策劃之語，莫不以服從最高領袖，軍臨前敵，爲民族爭生存，克盡軍人天職相勗勉，彌留病榻，遺囑諄諄，凡有血氣，能無感泣。當此寇氛尤熾，夙志未伸，每念遺言，輒思勉奮。職等份屬軍人，祇知衛國，今後惟有切體主任未竟之志，誓竭忠誠，在中樞暨鈞座領導之下，繼續抗戰到底，以爭取最後之勝利，而達民族獨立自由之目的。謹電涕泣，伏乞訓示祇遵。軍長王續緒、師長廖誠孚、旅長嚴嘯虎、周憚虎，代師長汪傑、旅長李鴻勳、彭煥章，師長郭昌明、旅長張竭誠、王澤濬，師長廖震、旅長范華聰、楊子雲，師長陳蘭舟、旅長朱果、梁國華，師長許紹宗、旅長官炎森、楊勤安、鄧國璋、范楠軒、陳良基、劉樹成、劉

若何，團長宋時仙等三十五人同叩養。

是日、國民政府明令褒揚劉氏，追贈劉氏爲陸軍一級上將。令曰：

川康綏靖主任四川省政府主席劉湘，才猷練達，器度恢宏，早歲綰領軍符，維護地方，助勤夙著。嗣膺兼圻重任，整軍施政，悉洽機宜，尤於國家統一大計，竭誠匡助，卓識淵謀，至深嘉賴。近以奉命抗敵，統率師旅，親赴前方，籌策辛勞，宿疾增劇，遽聞溘逝，震悼良深。劉湘着追贈陸軍一級上將，發給治喪費一萬元，派內政部部長何鍵前往致祭，並交行政院轉行從優議卹。生平事蹟，存備宣付國史，用示國家篤念忠助之至意。此令。

當日並任命賀萃爲四川省政府委員兼主席。翌日上午十一時，劉氏遺體在第六小學舉行大殮，典禮由治喪委員會主持，蔣委員長親往主祭，對劉夫人慰唁甚殷，對劉氏子女教育等情亦多垂詢，劉夫人甚爲感動。治喪委員會旋決定公祭與移靈日期，軍事委員會派少將陳杰爲護靈專員，伴同劉夫人扶劉氏靈柩返籍卜葬。二十四日，行政院決議改組西康建省委員會，派劉文輝、段班級、向傳義、李萬華、任乃強、葉秀峯、周學昌、王靖宇、韓孟鈞爲委員，指定劉文輝爲委員長，王靖宇兼保安處長。並改組安徽省政府，任李宗仁爲主席。二十六日，劉氏靈柩由漢口起運入川。至二月一日，行政院任